

յթ.

Վասն Ֆրա մարթին պատմագրին ծանիք, զի ես աստ որոնեալ գտի զիրք մի իտալերէն՝ որ պատմէ զկեանս պապուց. և ի քննելն զստուծին պատմութեան յօհաննու ութերորդի կին հռչակելոյ՝ գտի զՖռաթն զայն հնարիչ այսր ստուծեան, ըստ նմին և այլ բազում ստուծեանց։ Անուն այսր պատմաբանի տարալուծմամբ բերի ի յակոբայ. իսկ ի զիրս անդ զրի Marciello polacco Religioso di castello penitentier չորրորդ իննովկենտիոսի։ Զհեղինակութենէ սորա ծանեայ. և որչափ ինչ ծանեայ բաւական է։ (Հ. Միք. Զամլ. առ Մեղգոնեան, 1772 յունիս 13. Հալեպ)։

յժ.

Ի 14 ամսոյն յուլիսի աստ ի գաւառն Բէմի, ձիւնեաց կէս խուլած բարձրութեամբ. և սառեցան եօթն մարդիկ, նաև ցորեանն՝ խոտն, և այլ բոյսք երկրի սառեցան։ (Հ. Սիմոն առ Մեղգոնեան, 1772 յուլիս 31. [Պաշտպարով])։

յժա.

Ի Նինուէ և ի մերտին և ի տիառպէքիր և յէնկուրի այնքան ուժգին և սաստիկ մահ՝ որ շիջոյց զբազում բազում տունս՝ մինչև չկարել միմեանց օգնել ի թաղումն։ Եւ պատրիարքն քաղութացւոց փախուցեալ ի հալէպ, զի քաղթէացիք ունէին զինն քահանայս և ամենեքեան մեռան։ (Աքանաւս հպս. առ Հ. Մկրտիչ Անանեանց, 1772 Օգոստ. 17. [Կ. Պոլիս])։

յժբ.

Իսկէնտէր պէյն, որ է իսկական ժառանգ իշխանութեան Վրացւոց Թիֆլիզ քաղաքի, ի բազմաց հետէ եկեալ է ի շիրազ առ քէրիմխանն օգնութիւն առնուլ ի նմանէ, առ ի կորզել զԹիֆլիզ և զայլ տեղիս հայրենի ժառանգութեան իւրոյ ի ձեռաց հերակլի պատերազմաւ. և նա յապաղեցուցանէ։ Սա բազում անգամ ասացեալ է թէ ես ոչ գտի զոք քահանայ ինձ հաճոյ։ Իսկ ոմանք անմտածօղք ասացեալ են, թէ կարես զայնպիսին գտանել ի պատրայ՝ այս անուն։ Եւ նորա զայս լուեալ՝ յորդորեալ է զբազումս զի զոնէ թուղթ մի գրեցից առ նա. և իմ լուեալ զայս՝ խորհրդով բարեկամաց՝ գրեցի առ նա թուղթ մի, զի թէպէտ ընդ իշխանաւորաց խառնիլն ոչ թուի ինձ բարի, բայց ի հեռուստ ևս բարեկամ ունիլ զայնպիսին, ոչ նուազ բարի է։ (Հ. Միք. Զամլ. առ Մեղգոնեան, 1772. Օգոստ. 20. Ի Պասրայ)։

յժգ.

Յաւուրս յայտոսիկ ել եասախ սաստիկ ի թագաւորէն վասն ապաշուք և անպարկեշտ ֆօթօզից և անհեթեթ մեծութեան եախայից ֆէրաճէից. և ևս զի մի կարասցեն կապել յերեսս այն սատառնայահար ձևով զեմպիլ պիշիմի եազմախն, զոր նոր հնարեալ են առ ի կիսով չափ բաց թողուլ զերեսս. և զփէռչէմսն՝ զոր այժմ կտրեն կանայք՝ ցուցանել մարդկանց. մանաւանդ այս եասախ եղև վասն տաճկաց և հոռոմոց. և մասնաւորապէս վասն տաճկաց զի մի կարասցեն զգենուլ յօտար գոյն ֆէրաճէ, բայց եթէ կանանչ և ֆստիխ. և մասնաւորապէս վասն հայոց և հոռոմոց՝ զի մի կապեցեն ի գլուխս փոխանակ գունաւոր եմէնիի՝ ճերմակ տիւլպէնտ և ճերմկեղէն, այլ գունաւոր ինչ. և զգեցցին մթազոյն ֆերաճէ։ Եւ այս հրաման այնքան սաստիկ՝ մինչև բազմաց եթէ հոռոմոց